



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԳԼԽԱՎՈՐ ԴԱՏԱԽԱՁՁ

ՀՐԱՄԱՆ № 22-Լ

« 23 » 01 2024 թ.

ք. Երևան

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԴԱՏԱԽԱՁՁՈՒԹՅՈՒՆՈՒՄ ԱՌԿԱ ԶԵՆՔԻ ԵՎ  
ԱՆՁՆԱԿԱՆ ՊԱՇՏՊԱՆՈՒԹՅԱՆ ՀԱՏՈՒԿ ՄԻՋՈՑՆԵՐԻ ԳՈՒՅՔԱԳՐՈՒՄ  
ԿԱՏԱՐԵԼՈՒ ԵՎ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳԼԽԱՎՈՐ ԴԱՏԱԽԱՁՁ  
2020 ԹՎԱԿԱՆԻ ՀՈՒՆՎԱՐԻ 21-Ի N 4 ՀՐԱՄԱՆՆ ՈՒԺԸ ԿՈՐՑՐԱԾ ՃԱՆԱԶԵԼՈՒ  
ՄԱՍԻՆ

Հիմք ընդունելով Հայաստանի Հանրապետության գլխավոր դատախազի 2018 թվականի ապրիլի 12-ի՝ «Ծառայողական հաշվեցուցակային զեւքը և անձնական պաշտպանության հատուկ միջոցները պահելու և կրելու կարգը սահմանելու և Հայաստանի Հանրապետության գլխավոր դատախազի 2007 թվականի դեկտեմբերի 21-ի N 88 հրամանն ուժը կորցրած ճանաչելու մասին» N 33 հրամանով հաստատված կարգի 34-րդ կետը, Հայաստանի Հանրապետության դատախազությունում առկա զեւքի և անձնական պաշտպանության հատուկ միջոցների լիակատար ստուգում՝ գույքագրում կատարելու նպատակով, ղեկավարվելով «Դատախազության մասին» Հայաստանի Հանրապետության օրենքի 9-րդ հոդվածի 2-րդ մասի 7-րդ և 11-րդ կետերով ու 30-րդ հոդվածի 3-րդ մասով՝

**Հ ր ա մ ա յ ու մ ե մ՝**

1. Հայաստանի Հանրապետության դատախազությունում առկա զեւքի և անձնական պաշտպանության հատուկ միջոցների լիակատար ստուգում՝ գույքագրում (այսուհետ՝ գույքագրում) կատարելու նպատակով ստեղծել հանձնաժողով՝ հետևյալ կազմով՝

Հովհաննիսյան Վահե -

Հայաստանի Հանրապետության  
դատախազության գլխավոր  
քարտուղարի տեղակալ (հանձնաժողովի  
նախագահ)

Մանուկյան Լիաննա -

Հայաստանի Հանրապետության  
դատախազության առաջին բաժնի պետ  
(հանձնաժողովի անդամ)

Օսիպյան Լիլիթ -

Հայաստանի Հանրապետության  
դատախազության առաջին բաժնի  
գլխավոր մասնագետ (հանձնաժողովի  
անդամ):

2. Հանձնաժողովին՝ յուրաքանչյուր տարի մինչև մարտի 1-ը Հայաստանի Հանրապետության դատախազությունում առկա զենքի և անձնական պաշտպանության հատուկ միջոցների գույքագրման արդյունքում կազմված տեղեկանքը ներկայացնել Հայաստանի Հանրապետության գլխավոր դատախազին:

3. Ուժը կորցրած ճանաչել Հայաստանի Հանրապետության գլխավոր դատախազի 2020 թվականի հունվարի 21-ի «Հայաստանի Հանրապետության դատախազությունում առկա զենքի և անձնական պաշտպանության հատուկ միջոցների գույքագրում կատարելու մասին» N 4 հրամանը:


4. Սույն հրամանն ուժի մեջ է մտնում հրապարակմանը հաջորդող օրվանից:

5. Սույն հրամանի կատարման վերահսկողությունն իրականացնում է Հայաստանի Հանրապետության գլխավոր դատախազը:

6. Սույն հրամանի պատճենն ուղարկել Հայաստանի Հանրապետության գլխավոր դատախազի տեղակալներին, Հայաստանի Հանրապետության գլխավոր դատախազության վարչությունների պետերին, ավագ դատախազին, Երևան քաղաքի, Երևան քաղաքի վարչական շրջանների և մարզերի դատախազներին,\* կայազորների զինվորական դատախազներին, Հայաստանի Հանրապետության զինվորական կենտրոնական

դատախազության բաժինների պետերին, ավագ դատախազներին, Հայաստանի  
Հանրապետության դատախազության գլխավոր քարտուղարին, Հայաստանի  
Հանրապետության գլխավոր դատախազի խորհրդականներին ու օգնականներին:

ԱՐԴԱՐԱԴԱՏՈՒԹՅԱՆ ԵՐՐՈՐԴ  
ԴԱՍԻ ՊԵՏԱԿԱՆ ԽՈՐՀՐԴԱԿԱՆ



Ա.ՎԱՐԴԱՊԵՏՅԱՆ